



## Universitätsbibliothek Paderborn

**Isagoge Sive Introductio Ad Vitæ Spiritualis  
Perfectionem, Omnibus tam Regularibus, quām Clericis  
Sæcularibus, Confessariis, Concionatoribus, & Animarum  
Pastoribus perquām utilis, & specialiter ...**

**Herlet, Johann Georg**

**Sulzbaci, Anno MDC.XCIII.**

§. 17. Medium decimum ad obtinendam conscientiæ puritatem &  
teneritudinem est mortificatio Gustūs.

**urn:nbn:de:hbz:466:1-37853**

videntur illa media mortificandi tactus sensum, quæ in quolibet statu Religionis per Regulam & constitutiones præscribuntur, ut potè fini & perfectioni illius Statûs magis proportionata & congrua. Cujusmodi sunt imprimis molestiæ, labores & afflictiones exercitiis & functionibus sive operibus ordinariis conjunctæ. Quas pro-indè corporis & carnis mortificationes ambabus ulnis amplecti, & cum vehementi SpirituS alacritate debemus obire, præ aliis extra-ordinariis & aliundè mutuatis, ac contra vel præter morem nostri Ordinis & Statûs assumptis. Neq; enim probandi sunt illi, qui nescio. quam perfectionem ponunt in cruciatibus corporis in suâ vocatione insolitis & peregrinis: econtrà vero ob difficultates, labores & molestias in Exercitiis sui statûs occurrentes murmurant, indignantur; aut ab illis se, ubi possunt, subtrahere & eximere solent.

## §. 17.

*Medium decimum ad obtainendam conscientiæ puritatem & teneritudinem est mortificatio Gustus.*

110. **N**ecessitatem hujus medii indicant SS. Patres gravissimis verbis. B. Vincentius tract. de vita spirit. ait: *Primò contra gulam insistas: nisi enim contra hanc victoriam habeas, in vanum laboras in acquisitione aliorum virtutum.* S. Nilus Orat. 2. de luxur dicit: *Qui ventrem cibis explet, & se castè victurum profitetur,*

ei similis est, qui dicit, in stipula se flamme im-  
petum fræno cohibiturum. Quemadmodum  
enim furor ignis in stipula senviens coerceri ne-  
quit: ita luxuriæ vis in corpore cibis distento per-  
currens retineri nequit. Juxta S. Hieronymum  
lib. 2. Contra Jovinian. Eius carnium & potus  
vini, ventrisq; saturitas seminarium libidinis  
est. Quin & si aquâ multâ corpus infundatur,  
majores phantasias generat, & largiora recepta-  
cula dæmonibus præbet; ut inquit Evagrius B.  
Macarii discipulus in vitis Patrum. lib. 1. c. 31.  
Unde monebat Fratres, ut, si qui studium ge-  
rerent vel humiliandi corporis, vel phantasias ab  
eo dæmonum pellendi; nè in bibenda aquâ lar-  
giore mensurâ uterentur. S. Basilius constit. Mo-  
nast. c. 5. ait: venter in officio continetur; si qui-  
dem ventris moderatio, animi perturbationum  
compressio est. Et lib. de verâ virginit. Ventre  
distento epulis, necesse est ea, que sub ipso sunt  
membra, ex humoris redundantia in profundo  
ferventis ad propria & naturalia officia moveri:  
quippè superior venter suspetit illis incentiva li-  
bidinis. Ante omnia igitur adversus gustum  
amator Castitatis totâ intentione pugnabit, fon-  
tesq; voluptatum ventris, & impudicitie somitum  
indè manantium à principio Castitatis studio &  
ardore siccabit. Item serm. de Abdicat. Cave, nè  
adversarius similiatq; primum Parentem peccato  
circumveniat, circumventumq; quamprimum  
de paradiſo deliciarum expellat. Etenim præsen-  
tissimum hoc esse venenum ille intelligit. Ut enim  
fons aquæ, si in plures rivulos sit dissectus, vici-

na rivulis loca omnia herbarum viriditate con-  
vestit, & quasi pubescere facit: sic vitium gulæ,  
si per cordis tui venas se effuderit, & distraxerit,  
indeq; permeans sensus tuos omnes irrigarit, ubi  
libidinum multarum in te sylvam conseruit, ani-  
mum tuum ferarum habitaculum efficiet. Etenim  
multos ego animadvertispè, qui cùm alterius  
cujusvis generis vitiis laborarent, ad sanitatem  
tamen redierint postea. Qui autem hoc morbo te-  
nerentur, ut aut in occulto esitare eos delectaret,  
aut ventris ingluvie duci se sinerent, neminem  
ex omnibus vidi unquam, qui convaluerit. Si  
gulam in officio continueris, paradisum habita-  
bis: si minus, hoc tibi persuade, pabulum te  
mortis futurum. Denique in Regul. Jus. inter-  
rogat. 19. Immodicè ventrem distendere, & im-  
moderatis epulis se onerare, præterquam quod de-  
testabilis atq; execratione digna res est, cùm Do-  
minus dixerit: ve qui saturi estis! corpus etiam  
ipsum ineptum prorsus reddit ad labores, & pro-  
clive in somnos, & morbis magis expositum facit  
ac pervium.

111. Medium primum frænandi ac mode-  
randi gustum est, ut quis studeat ante omnia  
cognoscere & explorare per frequentem ad se  
reflexionem, quæ cibi ac potūs quantitas ipsi-  
sit necessaria tūm ad vitam suam sustentandam,  
& valetudinem conservandam; tūm ad officia,  
functiones & labores in vocatione ritè obeun-  
dos. Neque enim in viçtu sumendo quærenda  
est voluptas; sed sola & unica necessitas; uti do-  
cet S. Augustinus lib. de morib; Eccles. c. 21.  
dicens

dicens: *Habet vir temperatus in rebus hujus vi-*  
*ta Regulam, utroq; testamento firmatam; ut ea-*  
*rum nihil diligit, nihil per se appetendum putet;*  
*sed ad vitæ hujus atq; officiorum necessitatem,*  
*quantum satis est, usurpet, utentis modestiâ, non*  
*amantis affectu. Et lib. de conflict. vitior. c. 21.*  
*Nequaquam in dapibus voluptas appetenda;*  
*sed necessitatî succurrentum est. Unde in Regu-*  
*la ait: carnem vestram domate jejuniis & absti-*  
*nentiâ esca & potûs, quantum valetudo permit-*  
*tit. S. Basilius in Regulâ. fus. interrogat. 18. ait:*  
*Illud necessariò statuendum est; ad hoc, ut mace-*  
*retur corpus, & in officio contineatur, iis, qui in*  
*pietatis curriculo decertant, continentiam appri-*  
*mè necessariam esse; ut videlicet de iis, quæ vi-*  
*liora sunt, & ad necessitatem solam parata, ea-*  
*tenius sumamus, quoad necessitatî factum sit sa-*  
*tis; atq; in his ipsis saturitatis etiam malum de-*  
*clinemus; & ab his, quæ voluptuaria sunt, pe-*  
*nitus nos abstineamus. Et interrogat. 19. Neg-*  
*verò suavitate metiendus est finis cibi sumendi;*  
*sed necessario tantum usù ad vitæ conservationem*  
*expeti debet, rejectâ voluptatis libidine; quan-*  
*do voluptatibus servire nihilest aliud, quam ven-*  
*trem Deum suum efficere. Neg, enim cohæret*  
*hoc, ut cùm tuendi corporis causâ escas assuma-*  
*mus, per eas ipsas ei impedimento simus, quamni-*  
*nus præcepta Dei exequi possumus.*

Dixi, explorandum esse, quæ ciborum vel po-

tûs quantitas sit necessaria: nam indiscreta &

nimia gustûs mortificatio per subtractionem

necessarii victus, non solum reprobatur ut no-

xia valetudini corporis ; sed etiam ut inimica  
prospectui spirituali. Tantum tibi jejuniorum  
impone modum , quantum ferre potes ; inquit S.  
Hieronymus Epist. ad Nepotian. Et ad Deme-  
triad. Neq; vero immoderata tibi imperamus je-  
junia , & enormem ciborum abstinentiam , qui-  
bus statim corpora delicata frangantur , & ante  
egrotare incipient , quam sancta conversationis  
jacere fundamenta. Item Epist. ad Rustic. Mo-  
nachum. Jejunia moderata sint ; nè nimia debi-  
litent stomachum , & majorem refectionem po-  
scientia erumpant in cruditatem , quæ parens li-  
bidinum est. Modicus & temperatus cibus & car-  
ni & animæ utilis est. Et Epist. ad Latam de in-  
stitut. filie : sic comedat , ut semper esuriat. Di-  
splicant mibi longa & immoderata jejunia : expe-  
rientialia didici , & scilicet in viâ , cum lassus fuerit ,  
diverticula querere. Denique Epist. ad Turiam  
de viduitate servandâ : parcus cibus & venter  
semper esuriens triduanis jejunis præfertur ; &  
multò melius est , quotidiè parum , quam raro sâ-  
tis sumere. Pluvia illa optima est , quæ sensim de-  
scendit in terram : subitus & nimius imber in-  
præceps arva subvertit. De B. Marciano Mona-  
cho scribit Theodoretus lib. 4. histor. c. 26. Sta-  
tuerat comedere quotidie ; nunquam autem sa-  
tiari ; sed semper esurire ; corpori autem ea exhibe-  
re , quæ ad vivendum sufficiunt. Dicebat enim ,  
quod qui post multorum dierum inediam capit ci-  
bum , in diebus quidem inedia Officia Dominica  
exequitur imbecillus ; quo autem die rursus ca-  
pit cibum , ( ut consentaneum est ) exhibens ,  
ven-

ventrem onerat; is autem gravatus tardioremo reddit animam ad vigilandum. Dicebat esse melius, vesci quidem quotidie; nunquam autem expetere satietatem: verum enim jejunium est perpetua indigentia. Idem tradit S. Basilius serm. 1. de Instit. Monachor, dicens: continentiae hic modus optimus, hec inquam Regula erit, si corpus neq; diffluat delitiis, neq; maceratione nimia attenuatur; illudq; in utramq; partem teneatur, ut ne quid nimis: ne videlicet animus, si carnium obesitate gravetur, variis perturbationibus redatur obnoxius: neq; si item contra plane morbosus fuerit effectus, Dei mandata exequi non possit. Quandoquidem par utrimq; animo detrimentum solitum est usu- venire; Et cum corpus ex bona habitudine luxurians, quodammodo animi imperium detrectat, Et ad pravas cupiditates praecip, se cum impetu fert in indecoros motus; Et cum idem languidum ac dissolutum, Et doloribus oppressum, movere loco non potest: Neq; enim in ejusmodi corporis constitutione liberè se animus ad rerum altiorum contemplationem potest erigere; sed necessariò ipso oppressus doloris sensu impeditus tenetur, fitq; divexior, Et velut in humum ac clinis per corporis afflictionem. Et in Regulâ fus. interrogat. 16. Castigatio corporis, Et in servitutem redactio nullâ re tantoperè efficitur, quam continentia. Si quidem fervor ille, qui vigere in juvenibus solet, itemq; difficilis ille ad coercendum ad libidines impetus continentia veluti quodam fræno cohabetur. Continentiam autem appellamus, non si quis à cibo penitus abstineat;

stineat; quando hoc violenta quedam vita dissolutio est; sed eam, quam tollenda contumacia corporis causâ, pietatis ergo de industria sequimur, rerum voluptatem titillantium abstinentiam. Item constit. Monast. c. 5. Si hoc posset imbutrari, ut cum in perpetua inedia corpus teneremus, ipsius nihilominus integrâ operâ ad munera sua obeunda uti possemus utiq; hoc esset optimum: verum quoniam rarissima ea inveniuntur corpora, quæ in istiusmodi victus ratione non concidunt; Et adhibita moderatione jejunandum est; Et corpori necessarium maximè subsidium tribuendum.

Necessitas igitur in omnibus, quæ ad corporis curam spectant, semper est attendenda à quolibet Christiano, maximè vero ab homine Religioso; ita ut parcus rerum temporalium usus eum distinguat, ab aliis: Sicut ait S. Basilius in Regul. fus. interrogat. 17. Continentia, in quo est, eum vel primo aspectu tantum notum facit: ut enim optimus corporis habitus & coloris bonitas pugilem à ceteris distinguat: sic Christianum à ceteris macileantia corporis pallorq; deflorescens, qui continentie veluti adjunctus est comes, indicio est, eum Christi mandatorum vere pugilem esse. Quantum enim vel in solo continentis alicuius aspectu lucri est, videre illum videlicet parsè tenuiterq; res etiam necessarias attingentem, agregat naturæ ministerium perinde ac tributum molestia & angoris plenum pendente, temporisq;, quod in hoc consumitur, mom

ram

ram animo iniquo ferentem, celerrimeq; à mensa ad obeunda munera sua resilientem.

112. Sed difficultas non minima est, discernere & determinare, quæ præcisè cibi potusque quantitas sit necessaria & sufficiens ad vitæ conservationem, rectamque muneraum administrationem: & quæ econtra excedat. Nam teste S. Gregorio lib. I. c. I. in I. Reg. 6. 21. Gulae vivitum tanto est fraudulentius, quanto est occulitus: quia & quasi necessarium suggestit cibum corpori; sed dum abundantiter carnem rejicit, luxurie gladium in mentem mergit. Unde juxta monitum S. Basiliū constit. Monast. c. 5. Illud diligenter animadvertis debet, ne per causam necessitatis corporis eo impingamus, ut voluptatibus serviamus: neq; enim in assumendis cibis dux habenda voluptas est, sed ratio, quæ necessitatì ipsa modum prudenter definiat. Quæ autem sit illa quantitas, quam necessitas vitæ conservandæ, & recta gerendorum officiorum ratio exigit, determinari generaliter nequit; Sicut idem S. Doctor testatur in Regul. fns. interrogat. 19. dicens: In cibis quemadmodum alii alii necessarii sunt, pro atate videlicet cuiusq; ac studiis, iijq; ad corporis habitudinem distincti: ita quoq; diversa sunt usus illorum; modus, ratioq; quod fit, ut nequaquam omnes uni & eidem regule subjici possint. Et constitut. Monast. c. 5. Continens ventris moderatio ea præstantissima judicanda est, quam vires corporis cuiusq; definunt. Si quidem inventi nonnulli sunt, qui in rebus gravissimi laboris perferendis nihil omnino grave

per-

per dulisse sibi viji sunt; id propter vegetam,  
ac præduram, quæ illorum corporibus inesset;  
harmonicam temperaturam ac robur eximum,  
Verum quod hi tolerare facile potuerunt, alii  
causa fuit, cur periclitarentur; quandoquidem mea  
non unquam in diversis corporibus dissimilitudo  
reperitur, quæ inter as, ferrumve, ac arentia  
sive sarmentitia ligna. Quamobrem ista am-  
plicienda à nobis continentia est, ut eam cum vi-  
ribus corporis commetiamur: ne, cùm propte-  
reà, quod in continentia cultu servatus modus  
non sit, corpus enervaverimus, inertes deinceps  
ad res gerendas inutiles existamus.

Nihilominus S. Vincentius tract. de vitâ spi-  
rit. Conatur statuere Régulam aliquam ma-  
gis particularem, videlicet istam: Poteris ex-  
periri, quantum natura requirit, vel quid sit illi  
superfluum: Si post refectionem inveneris te gra-  
vatum, ut orare, scribere, vel legere nequeas;  
communiter hoc accidit propter excessum. Igi-  
tur sic comedere, ut post comedionem sis paratus  
scribere, legere, vel orare. Non tamen necesse  
est, ut illâ horâ post mensam sis ita paratus, sicut  
in aliis horis. Insinuat eandem quoque doctrinam  
S. Hieronymus Epist. ad Letam de instit.  
filie, dicens; sic comedat, ut semper esuriat; ut  
statim post cibum possit legere, orare, & psallere.  
Item Epist. ad Eustochium. Nobis sollicitius provi-  
dendum est, ut solemnem diem non tam ciborum  
abundantiam, quam spiritus exultatione celebre-  
mus: quia valde absurdum est, nimia saturitate  
pellere honorare martyrem, quem scis Deo placuisse  
jeju-

*jejuniis. Ita semper comedendum est, ut cibum  
oratio sequatur, & lectio. Eandem regulam  
confirmant Medici; prout apud diversos Autho-  
res est reperire.*

113. Secundum medium frænandi gustum  
versatur circa qualitatem ciborum; ut videlicet  
non quæramus cibos pretiosos, raros, delic-  
atos, lautè & opiparè præparatos; sed contenti-  
simus victu communi, paupere, simplici, vul-  
gari, & facilè parabili, minimeque sumptuosos.  
*Sit tibi victus simplex ac necessarius;* inquit S.  
Ephrem de vita spirit. Et alibi de temperantia:  
*In cibis temperantia servatur, cum nec delicatas  
aut sumptuosas epulas requiris; nec præfinitum  
vescendi tempus aut horam antevertis;* nec  
dapium pulchritudine aut varietate delectaris.  
S. Basilius in Regul. fus. interrogat. 19. ait: *Eæ  
omnino nobis præferendæ epulae sunt, quæ minori  
possunt negotio comparari. Quod in quâq;  
re-  
gione & haberi facile potest, & vile est, & quæ pas-  
sim populus utitur, eo nobis est utendum.* San-  
cti historias sacras veteris & novi Testamenti  
evolvamus, clare perspiciemus, Deum, cuius  
sunt omnes ferae Sylvarum, jumenta in montibus  
& boves, omniaq; volatilia cœli Psalm. 49.  
nunquam fidelibus servis suis & amicis appo-  
suisse mēnsam lautam, & epulis delicatis in-  
structam; sed pauperes, viles, ac vulgares il-  
lis cibos parasse. Nam Prophetam suum Eliam  
refecit pane & aquâ 3 Reg. 19. Danieli Prophe-  
tæ in lacu leonum constituto misit pulmen-  
tum pro melloribus præparatum. Danielis

14. Quin-

Quinque millia virorum Christus in deserto pa-  
vit hordeaceo pane. Joann. 6. Hinc delitiis de-  
diti intelligent, quid magni illi viri (Apostoli)  
et admirabiles comedent; quam vilis et modica  
eorum mensa fuerit; inquit S. Chrysostomus ho-  
mil. 14. in dictum locum. De abstinentia Christi  
ait Ecclesiastice Historiae author Ludolphus.  
part. 2 cap. 53. Nunquam legitur, Dominum co-  
medisse carnes, nisi Agni Paschalis; quod tamen  
fecit in typo et figurâ. De victu prescorum Mo-  
nachorum ait Evagrius lib. 1. Histor. c. 20. Men-  
sa communis apponitur, non opiparis instructa,  
delitiis, sed oleribus, et leguminibus. De Mo-  
nachis sui temporis scribit S. Hieronymus Epist.  
22. Vivitur pane, leguminibus, et oleribus, que  
sæle solo conduntur. Et Epist. 25. Olera & legu-  
mina vocat pastum Monachorum. S. Basilius  
Epist. 208. De se & Monachis suis ait: Facet apud  
nos coquorum ars; cultri eorum non rubent san-  
guine. Cibi apud nos optimi folia arborum cum  
parvo pane. Theodoreus serm. de charitate,  
dicit: caro, vinumq; Monachis propter nimium  
calorem, quem excitant, non sunt in usu. Deniq;  
Adamus noster Præmonstratenis, qui vixit &  
scripsit post obitum S. Patris Nostri Norberti  
Anno trigesimo sexto, de abstinentia tunc in  
Ordine nostro recepta & usitatâ sic testatur  
serm. 3. De Ordine Canonicor. Quidam Canonicci  
carnibus in Refectorio et foris in itinere vescun-  
tur. Nos vero carnibus vescendi in Refectorio  
consuetudinem non habemus; nisi ex agritudine  
debilitati, post agritudinem reficiendi fuerimus.

Non

Non tamen per hæc probare aut persuadere  
intendo , quod Homo Religiosus in victu  
debeat querere singularitatem , & alios ac  
viliores , pauperiores , & magis vulgares mi-  
nusque pretiosos cibos eligere vel exigere,  
quam reliqui in conventu accipient . Id enim  
damnat S. Basilius in *Constit. Monast.* c. 26. di-  
cens : *Ciborum diversitatem nullo modo consecre-*  
*ri Monachus debet ; neq; praetextu continentia*  
*à solitis in communi usurpari escis discedere ; si qui-*  
*dem hoc communis disciplinae perversio , & scan-*  
*dalorum occasio est : Et vñ illi, qui in pietatis cul-*  
*torum conventum hujusmodi causas perturba-*  
*tionis attulerit . Solum igitur hoc ostendere*  
volui , quod Religiosus non debeat murmurare  
aut ægre ferre , si apponantur ipsi vulgares ,  
communes , pauperes , & viles cibi , qui forte  
palato ejus minus arrideant ; sed quod debeat  
esse contentus victu illo , qui fratribus  
in communi dispensatur , juxta illud Christi :  
*Manducate, quæ apponuntur vobis. Luc. 10. De*  
quo Franciscus Salesius in *Philoth. Parth.* 3. c.  
23. *Magnâ in veneratione & honore habenda*  
*mihi videntur illa Redemptoris Nostri Iesu Christi*  
*ad discipulos suos verba, dicentis: Manducate, quæ*  
*apponuntur vobis. Majoris siquidem virtutis est,*  
*indiscriminatim comedere , quidquid tibi offer-*  
*tur, & eo, quo id tibi apponitur ordine , sive id*  
*tuo sapiat palato , sive despiciat , quam semper ,*  
*quod deterius est, feligere : licet enim hæc poste-*  
*rior agendi ratio videatur austerior ; alia tamen*  
*plus continet resignationis. Unde S. Bernardus*

Q

serm.

serm. 30. in cantica gravissimè invehitur in illos Religiosos, qui contra cibos, qui in communi apponuntur, excipiunt & conqueruntur, dicentes; Legumina ventosa sunt, caseus gravat stomachum, lac capiti nocet, potum aquæ non sustinet pectus, caules nutrunt melancholiam, choleram porri accendunt, pisces de stagno aut de aquâ lutosâ meæ penitus complexioni non congruunt. Subdit enim: Quale est hoc, ut in totis fluviis, hortis, cellariisq; vix reperiri possit, quod comedas? putate, quæso, Monachum esse, non Medicum; nec de complexione judicandum, sed de professione.

Vult tamen S. Basilius lib. de verâ Virginit. quod in iis cibis, qui non sunt necessarii, sed omitti possunt (cujusmodi sunt v. g. fructus arborum, qui circa finem mensæ communiter inferuntur, magis propter voluptatem, quam necessitatem) à studio Castritatis discretio cautæ sit observanda; nè assumat & comedat tales, qui puritati corporis & animi sint noxii. Corporum status, inquit, & habitus, & ciborum qualitates solerter explorare convenit; ut valido quidem a vegeto corpori, naturaliq; calore abundantia fræna immittamus; ac per inediam frigidioresq; cibos redundantiam illam caloris arceamus: ne vel lautioribus escis naturalem pinguedinem augentes, vel vini licentiore usu fervorem insitum magis magis succidentes, ignem igni adjiciamus. Neq; verò sola escarum quantitas ubiq; probè metienda; sed & qualitas imprimis sapienter discernenda est. Pronoxiis vitanda sunt, quæ carnis recessus

cessus intimos pungunt; & pruritus titillationes ex excitantia, corpora nostra perturbant, ac secretâ vi suâ inquietant. Porrò cibi noxii aut periculosi Castitati sunt omnes flatulentî, juxta Medicorum Scholam, qui scilicet flatus & ventos in corpore pariunt; cujusmodi sunt uvæ, pyra, poma, rapæ, &c.

114. Tertium medium mortificandi & frænandi gustum est, ut extra horam ordinariæ Refectionis consuetam, & præscriptam nihil cibi potuſvè sumamus, neque dictam horam manducando vel bibendo unquam præveniamus, nisi forsan necessitas aliter cogat. Quod priscos Monachos valdè follicitè observâsse tradit Joannes Cassianus lib. 4. Instit. c. 18. dicens: *Summa cautione servatur, nè extra mensam quidquam cibi penitus ori suo quisquam indulgere præsumat; sic ut sacrilegium ducatur, si transiens per hortum, pomum decerpatur, vel levetur.*

Solet autem ordinariæ refectionis hora anteverti & perverti dupliciter: Primò per publicam comedionē aut potionem: quomodo videmus aliquibus in locis irrepfisse & inolevisse consuetudinem, sumendi quotidie circa tempus vesperarum modicum haustum, quem vocant Vesperinum. De quâ consuetudine aut potius corruptelâ Nebridius in suo Antiquario. Epist. 85. ait: *Quâm bene horam bibitionis de nostris Statutis eliminavimus? sâpè queritur in phlebotomiâ, undè sit tanta copia incocti sanguinis? in prompta causa est: non permittitur tempus concoctionis. Extra horam estur, & babitur &c.* Easdem ex-

tra-

trahorarias comediones & bibitiones severè prohibent Statuta Canonici Ordinis Præmonstratensis *Distinct.* i. cap. 12. n. 40. his verbis: *Fentacula, merenda, & omnis extrahoraria comedio atq[ue] bibitio quām strictissimē interdicuntur; & tam Visitatores quām Prælati, nē hac irrepant, diligenter advigilent.*

Secundò pervertitur tempus ordinariæ refectionis, per occultas, clandestinas, & furtivas comediones aut potationes; dum quis vel ex Refectorio, vel ex horto, cellaria &c. aliquid clam surripit, ut illud in occulto postea comedat. De quo vitio S. Basilius ait: *Serm. de Abdicat. Cave, nē clandestinæ esitationis peccatum incurras: enim si in re parvâ supplantare te ille (Diabolus) poterit; sine dubio totâ te luctâ prostratum, vinculis postea arctissimē constrictum tenebit. Et enim multos ego novi, multis variisq[ue] s[ecundu]m passionibus curatos: unum autem furtivum comedonem gulonemq[ue] ex omnibus sanatum esse, nunquam novi; sed aut è societate continentis vita abstracti in seculo perierunt; aut inter continentates delitescere conantes, diabolo voluptuosè militarunt: Nam mendaces tales sunt, adjurandum pejerandumq[ue] prompti, rebelles, pertinaces, clamosi, voratores, nugaces, delicati, querulosi, exploratores, curiosi, lucifugi, omnis honestatis adversarii voluntarii; quiq[ue] ut gulae vitium occulunt, in plurima mala devolvuntur.* Refert. Boverius in *Chronico Capucinor. ad Annum Christi. 1592.* Quod Venerabilis Pater Bartholomæus Cæsenas, Ordinis Superior, multos tyrones fur-

furtivæ comedionis vitio laborantes ex Ordine ejecerit. Cùm verò Patres aliqui pro uno adolescenti quodam rogarent, ut propter talentorum suorum excellentiam retineretur; Christus cum S. Francisco de nocte Cæsenati apparens, jussit, ut hunc quoque gulofum adolescentem ejiceret; eò quod vix possit fieri, ut, qui semel huic vitio addictus fuerit, denuò ab illo libereatur.

115. Quartum medium est, ut in cibos, dum inferuntur, non statim oculos conjiciamus; nec in eos jam appositos statim manibus insolemus; neque etiam avidi simus, & nimis testini in comedendo: sed appetitum nostrum cohibentes à cibo apposito, priùs cùm Jobo suspireremus, antequam comedamus; omnemque cibum in frusta minuta priùs divisum, semper dentibus ita comminuamus, ut non nisi bene masticatus, & commansus in stomachum demittatur. Nisi enim cibus beneficio dentium sufficienter comminuatur; difficillimè posteà concoquitur in stomacho: mala autem concoctio & imperfecta digestio parit cruditates: ex quibus deinde periculum creatur Castitati: Nam teste S. Hieronymo *Epist. ad Rustic. Monach. Cruditates parens libidinum est.* Ex parte corporis etiam innumera oriuntur morborum genera; juxta illud Eccl. 37. *Noli avidus esse in omni epulatione; & non effundas te super omnem escam: in multis enim escis erit infirmitas.* Undè quod senes edentuli tot morbis sint obnoxii; non ultima causa est defectus sufficientis masticationis & commansio-

Q 3

nis

nis ciborum, dentibus, quibus ipsi communiter carant, perficiendæ.

116. Quintum medium mortificandi gulam est, ut extra tempus Refectionis ordinariæ nunquam immoremur cogitationibus de cibo aut potu: multò minùs sermonem instituamus de ciborum sapore, præparatione &c. Hæc enim omnia gentes & mancipia carnis inquirunt, quorum Deus venter est. Virum autem Religiosum, qui paupertatem & continentiam professus est, summoperè dedecet, de cibo & potu miscere sermones; ostendere suum erga talēm vel talem cibum affectum & appetitum; gloriari, & se jaçtare de ventris sui capacitate; jejunii Quadragesimalis tempore computare in colloquio dies vel hebdomadas, post quas rursùs carnibus licebit vesci &c. Talis enim satis indicat, plus se curare saginam corporis & ventris, quam puritatem mentis; contra illud Apostoli *Rom. 13.* *Carnis curam nè feceritis,*

Pejores verò sunt, qui propter cibum aut potum murmurant, & conqueruntur; socii facti gulonum illorum, qui Man cœleste fastidientes murmurârunt contra Moysen *num. 11.* dicentes: *Anima nostra arida est; nihil aliud respi- ciunt oculi nostri, nisi Man.* *Quis dabit nobis ad vescendum carnes?* recordamur piscium, quos comedebamus in Ægypto gratis: in mentem nobis veniunt cucumeres, & pepones, porriq., & cepæ, & allia. Propter quod etiam timere debent hujusmodi murmuratores in Monasteriis, nè fiant socii illorum in poenâ, quorum imitatores facti sunt

Sunt in murmuris culpā. Legitur autem in eodem capite, quod Deus quidem illis dederit carnes cothurnicum; sed adhuc carnes erant in dentibus eorum; & eccē furor Domini concitatus in populum, percusit eum plagā magnā nimis; vocatusque est ille locus sepulchra concupiscentiæ. Sanè frater ille in vitâ Joannis Houthonis Londoniensis Carthusiæ Prioris, qui murmuravit propter pisciculos in mensâ appositos, dicens, malle se bufones, quam ejus generis pisciculos manducâsse, satis durè & graviter luere debuit hoc suum murmur: Nam vix verba protulerat; & eccē Deus bufonum copiam ei immisit; ut totum cellæ pavimentum replerent. Quocunq[ue] miser ibat, bufones pedissequos habebat; ita ut in mensâ ei assiderent, in ipsum discum insilirent, in lecto ei conthorales essent. Duravitque hæc plaga in Fratribus murmuratoris cellâ per integrum Mensem; in hortulo autem vicino per tres Menses. Meritò igitur Statuta Canonici Ordinis Præmonstratensis. *Dist. 3. c. 3. n. 16.* triduanum hujusmodi murmuratoribus decernunt jejunium in pane & aquâ: & ut ab illo genere cibi vel potûs, ratione cuius murmuraverunt, quadraginta diebus abstineant.

